



PRIVILEGIUM.

Sir Matthias / von Gottes Gnaden / Erwählter Römischer Kaiser / zu allenzeiten Mehrer des Reichs / in Germanien / zu Hungern / Böhheim / Dalmatien / Croatien vnd Slavonien / ic. König / Erzherzog zu Osterreich / Herzog zu Burgundt / Steyr / Kärnten / Crain vnd Wirtemberg / ic. Graue zu Tyrol / ic. Bekennen öffentlich mit diesem Brieff / vnd thun kundt Allermenniglich / das vns vnser vnd des Reichs lieber getreuer / M. Hans Gahlen / Fehrwereck: vnd Büchsenmaister / vnterthanigst zuerkennen geben / Welchermassen Er vorhabens wehre / ein Buch / von der Büchsenmaisterei / welches / so wol / zu Friedt: als zu Kriegszeiten / vielfeltig / nutzlichen zugebrauchen sein würde / in offnen Druck außgehen zu lassen / vnd vns darauff gehorsamist angeruffen vñ gebeten / Weil er auff obangeregtes Buch / sampt denen darzu gehörigen Kupferstücken / nicht geringen Vncosten auffgewendet / Vnd aber in sorgen stehen müsse / das ihme dasselbe von andern / zu ihrem Vorthail / vnd hergegen seinem Nachthail vnd Schaden / in dieser: oder andern form / nachgedruckt / vnd ihme also die disz orts verhoffend billiche ergekung / entzogen werden möch